



## Universitätsbibliothek Paderborn

**Francisci Tvrriani Societatis Iesv, Aduersùs  
Magdeburgenses Centuriatores pro Canonibus  
Apostolorum, & Epistolis Decretalibus Pontificum  
Apostolicorum, Libri Quinq[ue]**

**Torres, Francisco de  
Coloniae, 1573**

**VD16 T 1629**

Cap. XII. Defensio doctrinae de caelibatu in epist. 2. Clementis: & confutatio eorum, quae Heerbrandus de hac re contra synodum Tridentinam scripsit. Et doctrina apostoli de continentia, quam à ...

**urn:nbn:de:hbz:466:1-29685**

interpretis in explanatione huius loci Pauli, quo<sup>t</sup> verba, addidit, quænam  
esset iusta & legitima causa vtricq; parti, ab altera discedendi, à magistratu  
esse hoc accuratè expendendum, quasi causæ matrimoniorum internego-  
cia secularia referendæ sint, vt non debeat eis implicari, qui Deo militat, id  
est, potestas ecclesiastica, sed potius potestas seculi. Vt video, nihil iste in-  
teresse putat, iudicare, ad quem possessio vel aratio agri pertineat, an ad  
cuius potestatem vxor: neq; plus mysticæ benedictionis in tradenda vxo-  
re in potestatem viri, & vicissim tradendo viro in potestatem vxoris, in-  
teruenire, quām in fundi aut horti tradenda possessione, & in omni eo, qd  
per æs & libram agitur: hec, inquam, verba, Ego te accipio in meam, & ego  
te accipio in meum, vel similia, quæ ipsorum qui contrahunt, consensum  
explicant, & vim continent illorum sacrorum verborum, quæ Adam per  
secundum dos spiritum Dei in persona omnium coniugum mysticè dixit. Hoc nunc os ex  
scrinā huius ossibus meis, & caro de carne mea: Propter hoc relinquet homo patrem &  
heretici, nihil matrem, & adhæredit vxori suæ, & erūt duo in carne vna, quæ Paulus ma-  
interesse inter gnum sacramentum in Christo, & in Ecclesia eius sponsa esse dixit, nō ma-  
matrimonium gis spiritualia esse iste bonus author somniat, quām quæ consensum signi-  
ficant, quem in emptionibus & venditionibus intercedere necesè esse iu-  
risconsulti scribunt: vt æquè vterq; contractus tam coniugalis, quām em-  
ptionis sive permutationis, ad iudicium magistratū pertineat. Sed satis  
haec tenus responsum sit in gratiam Magdeburgensem Marlorato, cuius in  
scripturam commentarios venenos ac pestiferos, & heretica doctrina  
respertos, cauendos esse moneo, & in Gallia, iussu Christianissimi Regis  
comburendos esse speramus, nisi iam combusti sunt.

*Defensio doctrine de cælibatu in epist. 2. Clementis: & confutatio eorum,  
qua Heerbrandus de hac re contra synodum Tridentinam scriptit. Et do-  
ctrina Apostoli de continentia, quam à Sacerdotibus & Diaconis & eorum  
vxoribus requirit, ex virtute verborum, & ex traditione sanctorum de-  
prompta.*

*Cap. 12.*

**A**ccusant deindè Magdeburgenses in epistola 2. Clementis, doctrinā  
de cælibatu sacerdotum, quod sacerdotibus, inquiunt, interdicitur,  
nē post ordinationem vxores retineant: quod si non fecerint, ab of-  
ficijs maioribus remouentur: ] Sic verò scriptit Clemens, quod à beato  
Petro se accepisse dicit, Quod si post ordinationem, inquit, ministro alta-  
ris contigerit proprium inuadere cubile vxoris, sacrarij nō intret limina,  
& quæ sequuntur. Non hoc iubet Clemens, vt ministri vxores suas exclu-  
dant, excludere enim eas prætextu religionis, canon etiam Apostolorum  
prohibet, sed iubet, nē cum eis rem ampliùs habeant post ordinationem,  
quod Paulus quoquè in epistola ad Titum episc. Cretæ: Constitue, inquit,  
presbyteros per ciuitates, sicut ego disposui tibi. Deindè scribit, quales  
esse debeant: Si quis sine crimine est, filios habens fideles, non in accusatio-  
ne

*ad Tit. 1.*

ne luxuriaz, aut non subditos. Non igitur prohibet presbyteris, quin vxores habeant, aut habuerint, & ministrent altari. verum quales mariti deinceps esse deberent, id est, quomodò habere vxores, nè quis erraret, vt isti nuc errant, idē Apostolus satìs clarè docuit, cùm subiungit: Oportet enim Episcopum esse pudicum, iustum, sanctum, continentem. Non contentus dicere pudicum, vt in epistola priore ad Timotheum, sic enim interpres in ea verterat idem verbum Græcū, *σάφεια*, addidit hīc *τικτυρί*, id est, continentem: Castus autem, siue pudicus & continens, non est Episcopus, aut presbyter, si cum vxore consuetudinem habeat. Sed quia Magdeburgen-  
ses nihil amplius hoc loco pro incontinentia sacerdotum, quam profiten-  
tur, dixerunt, & nupèr Iacobus Heerbrandus, qui in Tubingensi schola do-  
ctrinam Luteri docet, supplere voluit, quod ab illis relictum est: respon-  
deamus ad ea, quæ ille in 32. articulo contra Tridentinam Synodū scripsit,  
*Quæ Heers  
brādus doctōr  
Tubing. arti.*  
nouum esse inuentum de cælibatu contra electum Dei organum, qui Epi-  
scopos, inquit, & diaconos vult honestos esse maritos. At non vult Apo-  
stolus, vt Episcopi, presbyteri, & diaconi non sint virgines, si esse mālant,  
*32. cōtra syno-  
odum Tridēt.  
scripsit.*  
secundūm consilium eius de virginibus: non negabit hoc Heerbrandus:  
ex quo fit, vt neque rursus requirat Apostolus ab eis, vt sint mariti, nō ma-  
gis quām requirat, vt habeant filios: Sed hoc requirit, vt si habeant filios,  
benē eos educatos & institutos habeant, vt eorum probitas & obedientia  
ac pudicitia, testimonium quoddam potiū sit continentiae Patrum. Sic  
item, si habeant vxores, requirit, vt sint casti & continentes. Videamus igit-  
ur, qualis ista castitas & continentia sit, quam à sacerdotibus & diaconis  
postulat, vtrum' ne talis esse debeat, qualis laicorum, an alia excellentior?  
*Quæ castitas  
& continēns  
tia sit, quam  
Apost. à Sa-  
idg ex verbis ipisis Apostoli, locis scripture hincindè collatis, ratio cinan-  
cerdotibus et  
do demonstremus. De quibus autem, inquit, scripsistis mihi, bonum est diaconis re-  
homini, mulierem non tangere. Interrogemus hīc Heerbrandum verbis quirit.*  
sancti Sixti III. cuius autoritate sancta Synodus Ephesina aduersus Ne-  
storium vsa est, vt Vincentius Lirinensis Gallus, illius temporis author  
*S. Sixtus III.  
de castitate.*  
grauissimus, testatur: interrogemus, inquam, verbis Sixti in libro de casti-  
tate, in quo totum ferè hoc caput epistolæ Pauli ad Corint. doctissimè &  
festissimè interpretatus est, De qua muliere Paulum dixisse putandum  
est? De aliena, inquit, non puto: nec enim Corinthij tam recordes erant, vt  
hoc Apostolum interrogarent, an eis aliena liceret matrimonia violare,  
quod citra vllijs disciplinæ interdictum, etiam ipsa natura damnabat.  
deinde subiungit: Hoc propter eos scripsi, qui nimio ardore libidinis, scri-  
pturarum veritatem peruersa nituntur interpretatione subuertere. Si ergo  
ratio non concedit, vt de aliena dixerit, restat, vt de propria dixisse cre-  
datur, quod indē etiam probat, quod in secunda parte ait: Dico autem non  
nuptis & viduis: quibus si iam superiū fuerat locutus, supervacuum fu-  
it, iterare sermonem: in tertia autem, de virginibus. Haec tenus Sixtus. Item  
Tertullianus in libro de Monogamia, interpretans hoc locum: Ostendit,

*Tertullianus.*

B b b b    3    inquit,

inquit, fuisse, qui in matrimonio depræhensi, verebantur, nè non liceret eis deinceps matrimonio suo vti, quia in carnē sanctā Christi credidissent, qui. bus secundūm veniam concedit indulgens, non præcipit. Ergo cùm dicit **I Cor. 7.** Apostolus, De quibus scriptis mihi, bonū est homini, mulierem non tangere, de uxore dicit: vt sit, Bonum est homini, uxorem vel mulierem non tangere. Sic enim vertit beatus Hieronymus in Commentarijs Ezechieli cap. 20. Sed propter fornicationem, inquit, vnuſquisque uxorem suam habeat; non dixit, Ducat, vt idem sanctus martyr Sixtus notauit. Et paulò pōst, interpretans, quod idem Apostolus subiungit, Nolite fraudare inuidem, nisi fortè ex consensu ad tempus, vt vacetis orationi: & iterū reuertemini in idipsum, nè tenteret vos Satanas propter incontinentiam vestram: Pauco, inquit, tempore continent esse præcepit, vt longiori spatio orationi vacare possent: post continentiam verò, ad matrimonij vsum redire permisit, si tamen incontinentiam necessitas exegisset, nè & tentet vos Satanas propter incontinentiā. Hactenū sanctus Sixtus. Incontinentiam itaq; dicit hīc Apostolus, non continere se ab vsu matrimonij: quod quidē coniugibus permittit, cùm necessarium est illis, nè tentati à Satana, in adulteriū incident, permittit, inquam, maritis illis, de quibus ad Corinthios scripsit, permittens non esse continentes, id est, vti matrimonio, quo erant copulati, si periculum tentationis metuerent. At in epistola ad Titum nō hoc permittit presbyteris & diaconis maritis, vt non contineant: sed potius præcipit esse continentes, id est, non vti ampliū coniugibus suis post ordinationem. Etenim si mariti nō continent, sunt apud Paulum, qui vtruntur suis uxoribus: ergo mariti continent, apud eundem Paulum sunt qui continent, apud eis non vtruntur. Ex quo rursus constat, de laicis maritis scripsisse ad Corinthios, non de sacerdotibus: quod dicere necesse est, nè secū tantus Apostolus pugnare, & sibi contradicere videatur, si quibus maritis permittit in epistola ad Corinthios, non esse continentes, eisdem postea in epistola ad Titum continent esse præcipiat. Iam ne sentis Heerbrande, extortum tibi de manibus pugionem, & eo te confossum esse? non vult Paulus electum Dei organum, episcopos & diaconos honestos tantū maritos esse, quod tu dicas, Paulus non dixit: sed vult esse continent, quod idem Paulus dixit, tu prætermisisti. Disce igitur prius, Iacobe, vsum verbi huius ἐγέρτων apud Paulum, & accede postea ad interpretandum locum de continentia maritorum: ἐγέρτων enim, id est, continent, qui soluti & liberi sunt à matrimonio, cùm alienas nolunt tangere. suas enim non habēt, nō ex phis. Vnde illud, Dico ego non nuptis & viduis, bonum est illis, si sic permanferet, sicut Ari loſophia. Vnde illud, Dico ego non nuptis & viduis, bonum est illis, si sic permanferet, sicut & ego: quod si non continent, nubant. Item, ἐγέρτων, id Hotelica, sed est, continent mariti, cùm suas, quas habent, nolunt tangere. Vnde laicis ex doctrina maritis permittit Apostolus suas tangere, si nolunt continent, nē Apostolica propter hanc incontinentiam, id est, voluntatem non continendi à suis, Sapientia est. tanas eos ad illicitum concubitum cùm alienis trahat, si licitus cum prijs

prijs prohibeatur. Hæc igitur est Apostolicæ doctrinæ continentia à proprijs vxoribus, non ex philosophianaturali, nec à magistris eius protæta: sed à Deo tradita, libera quidem maritis laicis, necessaria verò ac iussa maritis Deo sacratis: utrumque enim docuit Apostolus: & verbum Dei negat, qui utrumque aut alterum negat. Illa etiam Pauli cautio, digna <sup>Admirabilis</sup> est admiratione & obseruatione, quod cùm in epistola priore ad Timoth. <sup>cautio Pauli</sup> episcopos (quo nomine presbyteros quoquè intelligi voluit) dixisset, de- <sup>aduersus opere esse οὐφρόνας, id est, castos, nè quis de illa castitate dictum esse putaret, pugnatores</sup> caput. secundo, requirit, idcirco in eadem epistola ad Titum, ad castitatem <sup>sacri calibas</sup> Episcorum, adiunxit continentiam. dicit enim debere eos castos & <sup>Tit. 2.</sup>

<sup>Aliud, castus</sup> continentes esse. quarè cùm dixit prius in epistola ad Timotheum, debere esse castos, significare voluit non quidem castos vxoribus, sed ca- <sup>castus ab</sup> stos ab vxoribus, quod clarius iam in epistola ad Titum dixit, addens verbum continentis: adolescentiores verò vxores castas esse iubet vi- <sup>castus ab</sup> ris suis, non à viris suis. Notauit hoc quoquè grauissimus author Sixtus in libro de castitate, de quo suprà meminimus. Dici quidem, inquit, <sup>vxori: aliis</sup> potest casta foemina, seruans viro suo fidem, sed marito casta, non à ma- <sup>beatus apud</sup> rito, nisi etiam à marito continens fuerit. Vir quoquè si non mœchetur, à <sup>vxore</sup> mœchia castus dicendus est, nō à muliere, nisi ab vxore continens sit, quia & vxor mulier esse credenda est. Mira enim castitas hæc est, in parte con- <sup>beat apud</sup> cupientiæ nullius sexus nōesse consortium. Hanc enim in duas diuidimus species, vnam virginitatis, & viduitatis: alia huic iungenda est con- <sup>Paulū verbis</sup> tineutia, cùm coniunx ita viuens moritur, vt habens non habeatur. <sup>οὐμένος</sup> Hactenus sanctus Sixtus. Itaque non illa minor castitas, id est, continentia ab aliena: sed illa mira castitas, quam Sixtus dicit, id est, continentia à propria vxore, facit viros <sup>οὐμένος</sup>, id est, honestate quadam venerabili. hæc enim est vis verbi, iuxta etymologiam vocabuli παρεπεινεσθαι, quales esse <sup>Quā vim haec</sup> iubet diaconos Apostolus cùm ait, Diaconos similiiter <sup>οὐμένος</sup>, id est, ho- <sup>tit. 2.</sup> nestate venerandos propter pudicitiam. Vnde interpres Latinus non ma- le vertit, pudicos. Huiusmodi castitatem miram requirit idem Apostolus à senibus, cùm ait in epistola ad Titum: Tu autem loquere, quæ decent sanam doctrinam: senes, vt sint <sup>οὐφρόνας</sup>, id est, casti: & <sup>οὐμένος</sup>, id est, hone- <sup>οὐμένος</sup> state quadam venerabili, scilicet propter pudicitiam: & anus similiter, <sup>οὐμένος</sup>, id est, pudicas. Quis verò sanæ mentis, & cum ratione loquens, quis, inquam, nisi importunè libidinosus dicat, moneri hic senes ita castos es- se, vt ab alienis abstineant, quos turpe iam sit à suis etiam vxoribus non abstinere, vt anus quoquè à suis viris? Ut igitur ea castitas siue pudici- <sup>τι</sup> a intelligeretur, quæ excellentior est, & maioris honestatis, ac venera- <sup>τi</sup> tionis quadam dignos facit, id est, continentia à proprijs vxoribus: addit, in senibus <sup>οὐφροσύνη ηλικία οὐμένηται</sup>, id est, castitati honestatem reueren- <sup>τi</sup> tia dignam, quam adferre solet continentia à propria vxore. Cùm ve- <sup>rò statim</sup>

rò statim subiungit de adolescentioribus, quæ viros habent, qui non requirit ab eis Apostolus, ut à viris suis abstineant, sed ab alienis præcipit castitas esse, scilicet viris suis: nec amplius addit hīc, οὐράς: quod verbum ad dididit, ut dixi, castitati, quam à senibus requirit. idem verbum, & eadem ratione in vetulis posuit, item in epistola ad Timotheum capite tertio, postquam dixit Apostolus, oportere esse episcopos castos, subiunxit: & diaconos similiter pudicos. Græcè est, οὐράς, ut similiter non de pudicitia vulgari, sed de illa maiore & admirabiliore, quā diximus, intelligeremus. Sequitur deinde: Et mulieres similiter pudicas. Vxores Episcoporum & Diaconorum dicit: quas si habeant, oportet quoquè pudicas esse. Hīc quoquè dixit, οὐράς, ut eandem honestatem continendi à viris suis, quæ illas faceret reverentia & cultu dignas, iuxta interpretationem vocabuli, inteligeremus. Quod autem de vxoribus episcoporum, & presbyterorum, ac diaconorum Apostolus hoc loco loquatur, satis ratio ipsa propositi demonstrat. qui enim præcipiebat episcopis, presbyteris & diaconis, qui vxores haberent, castos & continentes esse, consequens erat, ut id ipsum quoquè eorum vxoribus præcipere, sine quarum consensu non admittuntur mariti ad ordinem sacrum: postquam vero, vxoribus assentientibus, sacrati sunt, ipsæ quoquè propositum continentiae receptæ & ad stipulata, seruare debent. Quæ hīc iniuria sit? aut quæ vis sponte, quod melius est secundum consilium Pauli, suscipienti? nisi forte Paulum de violentia & tyrannide accusant isti, quia prohibens in epistola ad Timoth. priore, nè viduae adolescentiores, diaconissæ fiant, propter periculum non seruandi, iterum nubendo, continentiae promissionem, ait, cùm nubere volunt, habere eas damnationem: quia, inquit, primam fidem irritam fecerūt, quam enim Paulus hoc loco vocavit fidem, vocavit Apostolica constitutio in lib. 2. Clementis promissionem. Ait enim cap. 1. de huiusmodi viduis, scelus eas committere, nō quia digamia, inquit, scelus, sed quia scelus sit non seruare promissionem. Tales ergo esse oportet, id est, continentes secundum præceptum Pauli, sacerdotum & diaconorum vxores. Hoc enim significat hīc verbum Græcum γυναικας. Idem quoquè in 2. libro Clementis Rom. Apostolica constitutio, & quidem apertius docet, scilicet sermonem esse hīc de vxoribus sacerdotum & diaconorum. describens enim, quales eos esse oporteret, sicut Apostolus fecit, si est, inquit, fidelis, ornatus, honestus, seu pudicus: & subiungit statim: Si habet, aut habuit vxorem fidelem, honestam, siue pudicam, pro quo Paulus dixit, Mulieres, siue vxores similiter pudicas, non detrahentes, sobrias, fideles in omnibus, &c. satis haec nūs, ut arbitror, demonstratum est ex locis Apostoli inter se collatis, & ipsorum verborum virtute, quales maritos episcopos & presbyteros, ac diaconos Apostolus requirat, nempe castos & continentes ab vxoribus suis. Dominus det contradicētibus intellectū, ut intelligat scripturas, & sani sint in fide. Pergamus ad reliqua, quæ doctor iste Tubing. in art. suo scripsit.

Responso

*Responsio ad id, quod Heerbrandus Tübinger doctor contra Cælibatum obijcit ex epistola ad Hebræos, Honorabile connubium in omnibus, & torus immaculatus: & de falsa & repugnante interpretatione eius: & propria ac vera interpretatione ex causis dicatorum, & circumstantijs personarum, & collatione similium locorum scripturæ, conclusa.* Cap. 13.

**I**llud enim nobis quoquè obijcit, quod Apostolus in epistola ad Hebr. cap. 13. ait, Honorabile connubium in omnibus. Si ea, quæ sequuntur, iste doctor attentè legisset, fortassis intellexisset, cum quibus loquatur *Ex circumstantijs* Apostolus, & de quibus dicat: quod quidem ex causis quoquè dicatorum, tjs personarū & ex circumstantijs personarum intelligi potest. Dat enim præcepta ijs, qui *Ex causis dicatorum intell.* bus præsunt præpositi spirituales, vt sunt episcopi & presbyteri, id est, laici, quibus duo in primis cauenda sunt virtus, adulterij & auaritia, nè vel legitur, quæ propter liberos, quibus dant operam, opes iniustè congerant: vel nè, dum *b. m. dicit Apo-* cogitant quæ mundi sunt, quomodo uterque coniunx alteri placeat, occa- *stol. honorabilis coniugij* dè Clemens Rom. in toto lib. 1. de Apostolicis Constitutionibus, quem de *torsus im-* laicis inscripsit, de his duobus vitijs solùm disserit. Igitur quibus Aposto- *maculatus.* lus dicit paulò infrà: Obedite præpositis vestris, ipsi enim per uigilant pro *Heb. 13.* animabus vestris. & paulò suprà: Mementote præpositorum vestrorum, qui vobis, scilicet laicis, locuti sunt verbum Dei, (quis enim neget, quin spirituales verbum Dei doceant laicos?) eisdem, inquam, dixit illud proximè superius: Sint mores sine auaritia. & rursus eisdem, Honorabile connubium in omnibus, & torus immaculatus: fornicatores enim & adulteros iudicabit Deus. vt iam ipsa circumstantia personarum, quibus loquuntur verbum Dei Ecclesiæ doctores & præpositi, & ipsa præceptorum antecedentium ratio, quæ ad easdem personas pertinet, cuius mediocris iudicij facilè persuadent, immò confiteri etiam cogant, de laicis sermonem esse, & ad eos spectare, quod dixit Apostolus, Honorabile connubium in omnibus, & torus immaculatus. Hoc item Eusebius Cæsareñ. in extremo *Euseb. Cesar.* libro Euang. Demonstrat. cap. vlt. ait dictum esse non sacratis, neque professis *τῷ ιεραπολιᾳ*, id est, cultum religionis monasticæ. Idem quoquè affir- mat S. Ephrem, dictum esse hoc τοῖς εἰωτικοῖς, οὐ τοῖς ἀποτακτικοῖς, id est, secula- *Ephrem.* tribus siue laicis, non autem ijs, qui mundo renunciārunt: vt illud item in epistola ad Corinth. Si non continent, nubant: quod quidam monachi, in- *Cor. 7.* quis Eusebius, κακῶν ἐκλαυθάρτοις, id est, male interpretantes, vt malè isti nūc interpretantur, Honorabile connubium in omnibus, εἰσ γάμου ἐγράψαν. καὶ οὐχ οἴδασι: δτι μετὰ τὰς σωθίκας τὰς εἰσ θεὸν γενομένας οὐ λέγεται ἔτι γα- μὸς ἀλλὰ πορνεία, id est, ad nuptias, inquit, conuersi sunt, nec intellexerunt, post sponzionem pauci cum Deo interpositam, nō iam coniugium, sed for- nicationem dici, deinde subiungit, ἔκαστος οὐνός δωδάμενος εασάται τὰς ἀνάγ-